



UNIVERSITÄTS-  
BIBLIOTHEK  
PADERBORN

## **Hvmanae Salvts Monvmenta**

**Arias Montano, Benito**

**Antverpiae, [1571?]**

In tabulam adorationis Magorum. Ode Tricolos Tetrastrophos XL.

---

[urn:nbn:de:hbz:466:1-68924](https://nbn-resolving.org/urn:nbn:de:hbz:466:1-68924)

In tabulam adorationis Magorum.

ODE TRICOLOS TETRASTROPHOS XL.

VT Pisgæ in altis ætherei iugis,  
Selmonis aut de culmine candidi  
Surgentis aurora salubris  
Conspicitur prior vsque fulgor;  
At quisquis errat vallibus infimis,  
Caliginosis nubibus obsitus,  
Hic nocte in atra nescit amens  
Purpurei radios diei.

Sic dum Tyrannum cum populo leni  
Exercet amentem ambitio impia,  
Præsentis aduentum salutis  
Non Solyme malè cæca sentit.  
Sed qui remotos Persidos incolit  
Parthosq; tractus, hic alienior  
Splendoris exortum sereni  
Prospicit, & veniens adorat.

Ostensus astri letior aurei  
Non antè fulgens stellifero in polo  
Conspæctus ignis, innouandi  
Auspicium referebat orbis.

Ergo peractis iam spatiis via,  
Contingit hospes mœnia nuntius,  
Qui dicat aduenisse regem,  
Gentibus & populis colendum.

Quem mox repertum letior & Magus  
Miratus, ultra quàm soleat puer  
Mortalis, ostendisse sanctum  
Vultum oculis animoq; cernit.

Hinc prouoluto pectore & oscula  
Infantis addens tum pedibus noui,  
Testatus aduenisse numen,  
Munere tergemino saluat.

*Quae colit, agnoscitq; Deum, sapientia vera est.  
Quem latet hoc, rudis est, quālibet alta sciat.*



DEO IMMORT. HOMINI VERO REGI  
LIBERATORI S.